

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

ঢাকা, বৃহস্পতিবার ২৭ অক্টোবর ২০১৬, ১২ কার্তিক ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। চিকিৎসকদের আরও আন্তরিকতার সঙ্গে দায়িত্ব পালন করতে হবে : প্রধানমন্ত্রী
- ২। আমরা কোনো দুর্ব্বলায়ন ও সন্ত্রাস দেখতে চাই না : ছাত্রলীগ নেতাকর্মীদের উদ্দেশে প্রধানমন্ত্রী
- ৩। আজ বাগেরহাটের দুই মেগা প্রকল্প উদ্বোধন করবেন প্রধানমন্ত্রী
- ৪। বাংলাদেশ-নরওয়ের বাণিজ্য জোরদারের আহ্বান জানিয়েছেন রাষ্ট্রপতি
- ৫। আগামী বছর অটিজম সম্মেলনে প্রধানমন্ত্রীকে আমন্ত্রণ জানাবে ভূটান
- ৬। ‘ব্যবসায়িক পরিবেশে’ দুই ধাপ এগিয়ে বাংলাদেশ : বিশ্বব্যাংকের প্রতিবেদন
- ৭। উৎপাদনশীলতা বাড়িয়েই মধ্যম আয়ের দেশে যাবে বাংলাদেশ : শিল্পমন্ত্রী
উৎকর্ষ সাধনের জন্য পুরক্ষার পেল ১৮টি শিল্প প্রতিষ্ঠান
- ৮। জেএসসি-জেডিসি পরীক্ষা কেন্দ্রে ৩০ মিনিট আগে উপস্থিত থাকতে হবে
- ৯। হত্যা-ধর্ষণসহ স্পর্শকাতর সব মামলার বিচার হবে দ্রুত বিচার ট্রাইবুনালে : আইনমন্ত্রী
- ১০। চীনের সঙ্গে সম্পর্কে আশক্ষার কিছু নেই : তথ্যমন্ত্রী
- ১১। দেশের ১০ হাজার পোস্ট অফিস ই-কর্মার্স হবে : ডাক ও টেলিযোগাযোগ প্রতিমন্ত্রী
- ১২। দক্ষিণ এশিয়ায় নারী-পুরুষ সমতায় এগিয়ে বাংলাদেশ
: ওয়ার্ল্ড ইকোনমিক ফোরামের প্রতিবেদন

চলমান পাতা-২

১। চিকিৎসকদের আরও আন্তরিকতার সঙ্গে দায়িত্ব পালন করতে হবে : প্রধানমন্ত্রী

প্রধানমন্ত্রী শেখ হাসিনা স্বাস্থ্যসেবাকে যুগোপযোগী করে জনগণের দোরগোড়ায় নিয়ে যাওয়ার জন্য ১৫ বছর মেয়াদি টেকসই উন্নয়ন লক্ষ্যমাত্রা (এসডিজি) বাস্তবায়নে চিকিৎসকদের আরও আন্তরিকতার সঙ্গে দায়িত্ব পালনের আহ্বান জানিয়েছেন। প্রধানমন্ত্রী শেখ হাসিনা চিকিৎসকদের উদ্দেশে বলেন, আপনারা রোগীদের চিকিৎসা সেবা ভালোভাবে দেবেন। প্রধানমন্ত্রী শেখ হাসিনা গতকাল ২৬ অক্টোবর বুধবার রাজধানীর কৃষিবিদ মিলনায়তনে বাংলাদেশ কলেজ অফ ফিজিশিয়ালের (বিসিপিএস) ১৩তম সমাবর্তন অনুষ্ঠানে প্রধান অতিথির ভাষণে এ কথা বলেন। সূত্র-সংবাদ (শেষ প.,ক.৪), অবজারভার (প.,ক.১), এশিয়ান এজ (প.,ক.৮), ইন্ডেফাক, ভোরের কাগজ, প্রথম আলো, অবজারভার, ডেইলি স্টারসহ অধিকাংশ পত্রিকা এ বিষয়ে ছবিসহ খবর ছেপেছে।

২। আমরা কোনো দুর্ভায়ন ও সন্ত্রাস দেখতে চাই না : ছাত্রলীগ নেতাকর্মীদের উদ্দেশে প্রধানমন্ত্রী

ছাত্রলীগ কর্মীদের উদ্দেশে আওয়ামী লীগ সভাপতি ও প্রধানমন্ত্রী শেখ হাসিনা বলেছেন, মানুষের অনুভূতিতে কষ্ট দেয় এমন কোনো কাজ করা যাবে না। কেবল মনে রাখতে হবে মানুষের জন্য কতটুকু কাজ করতে পারলাম। তিনি বলেন, জীবনে কী পেলাম সে চিন্তা করা যাবে না। মানুষের কল্যাণে কাজ করে যেতে হবে। প্রত্যেককে আদর্শের কর্মী হতে হবে। আমরা কোনো দুর্ভায়ন দেখতে চাই না, সন্ত্রাস চাই না। গণভবনে ছাত্রলীগের সঙ্গে মতবিনিময় সভায় গতকাল ২৬ অক্টোবর বুধবার প্রধানমন্ত্রী শেখ হাসিনা এসব কথা বলেন। সূত্র-যুগান্তর (শেষ প.,ক.৮), সংবাদ (প.,ক.৮), ডেইলি সান (শেষ প.,ক.১), অবজারভার (প.,ক.২)।

৩। আজ বাগেরহাটের দুই মেগা প্রকল্প উদ্বোধন করবেন প্রধানমন্ত্রী

বাগেরহাটের দুই মেগা প্রকল্পের আজ ২৭ অক্টোবর বৃহস্পতিবার উদ্বোধন করবেন প্রধানমন্ত্রী শেখ হাসিনা। খননকৃত মৎস্য-ঘষিয়াখালী আন্তর্জাতিক নৌ রুট উন্নয়ন এবং খাদ্য নিরাপত্তায় নির্মিত মৎস্য খাদ্য গুদাম ও সাইলো উদ্বোধন করবেন তিনি। একইসঙ্গে বিআইডিউটিএ'র জন্য কেনা ১১ ড্রেজারেও উদ্বোধন করবেন প্রধানমন্ত্রী শেখ হাসিনা। প্রধানমন্ত্রীর সরকারি বাসভবন থেকে ভিডিও কনফারেন্সের মাধ্যমে তিনি এ প্রকল্পের উদ্বোধন করবেন। সূত্র-জনকর্ত্ত (শেষ প.,ক.৬), সংবাদ (শেষ প.,ক. ৪), ইন্ডিপেন্ডেন্ট (প.,ক.১৯,ক.৭)।

৪। বাংলাদেশ-নরওয়ের বাণিজ্য জোরদারের আহ্বান জানিয়েছেন রাষ্ট্রপতি

রাষ্ট্রপতি মো. আবদুল হামিদ নরওয়ের উদ্যোগাদের প্রতি বাংলাদেশে বিনিয়োগের আহ্বান জানিয়ে বলেছেন, বাংলাদেশ ও নরওয়ের মধ্যে বাণিজ্য ও বিনিয়োগ সম্পর্ক জোরদারের অনেক সুযোগ রয়েছে। বাংলাদেশে নরওয়ের নবনিযুক্ত রাষ্ট্রদূত সিসেল ক্লিকেন গতকাল ২৫ অক্টোবর বুধবার বঙ্গভবনে রাষ্ট্রপতির সঙ্গে সাক্ষাৎ করতে গেলে তিনি এই আহ্বান জানান। এ সময় রাষ্ট্রপতি বিদ্যমান দ্বিপক্ষীয় সম্পর্কে সত্ত্বে প্রকাশ করে বলেন, নরওয়ে বাংলাদেশের গুরুত্বপূর্ণ উন্নয়নে অংশীদার। বৈঠক শেষে রাষ্ট্রপতির প্রেস সচিব জয়নাল আবেদিন এ বিষয়ে অবহিত করেন। সূত্র-প্রথম আলো (প.,ক.১), সমকাল (প.,ক.১৯,ক.১), ইনকিলাব (শেষ প.,ক.৫), নিউজ টুডে (শেষ প.,ক.৫)।

৫। আগামী বছর অটিজম সম্মেলনে প্রধানমন্ত্রীকে আমন্ত্রণ জানাবে ভুটান

আগামী বছর ভুটানে অনুষ্ঠিয়ে অটিজমবিষয়ক আন্তর্জাতিক সম্মেলনে প্রধানমন্ত্রী শেখ হাসিনাকে আমন্ত্রণ জানানোর আগ্রহ প্রকাশ করেছে ভুটান। গতকাল ২৬ অক্টোবর বুধবার সচিবালয়ে স্বাস্থ্য ও পরিবার কল্যাণমন্ত্রী মোহাম্মদ নাসিরের সঙ্গে সাক্ষাতে এ কথা জানিয়েছেন ঢাকায় নিযুক্ত ভুটানের রাষ্ট্রদূত সোনম টি রাবগি। তিনি জানান শীত্রেই ভুটান বাংলাদেশ সরকারের কাছে আনুষ্ঠানিক আমন্ত্রণ জানাবে। সূত্র-জনকর্ত্ত (শেষ প.,ক.৫), সংবাদ (প.,ক.২,ক.৭), ইন্ডেফাক (শেষ প.,ক.৫), নিউজ টুডে (প.,ক.১৫,ক.৫)।

৬। ‘ব্যবসায়িক পরিবেশে’ দুই ধাপ এগিয়ে বাংলাদেশ : বিশ্বব্যাংকের প্রতিবেদন

বাংলাদেশে ব্যবসা পরিস্থিতি গত এক বছরে আগের চেয়ে কিছুটা সহজ হয়েছে বলে বিশ্বব্যাংকের এক প্রতিবেদনে বলা হয়েছে। প্রতিবেদন অনুযায়ী, ১৯০টি দেশের মধ্যে ব্যবসা সহজীকরণের তালিকায় দুই ধাপ এগিয়ে বাংলাদেশ এখন ১৭৬তম অবস্থানে ওঠে এসেছে। এ তালিকায় আগে বাংলাদেশের অবস্থান ছিল ১৭৮তম। তালিকার

শীর্ষে রয়েছে নিউজিল্যান্ড এবং ১৯০তম স্থানে রয়েছে সোমালিয়া। এছাড়া দক্ষিণ এশিয়ায় বিনিয়োগ পছন্দের তালিকায় প্রথম অবস্থানে রয়েছে ভুটান। বিশ্বব্যাংকের ‘ডুয়িৎ বিজনেস-২০১৭ : সবার জন্য সমান সুবিধা’ শিরোনামে প্রকাশিত এক প্রতিবেদনে এমন চিত্র লক্ষ্য করা গেছে। গতকাল ২৫ অক্টোবর বুধবার বিশ্বব্যাংকের ওয়েবসাইটে প্রতিবেদনটি পাওয়া যায়। সূত্র-সংবাদ (পৃ.২,ক.৪), ডেইলি স্টার (শেষ পৃ.,ক.৩), ডেইলি সান (পৃ.১,ক.৪)।

৭। উৎপাদনশীলতা বাড়িয়েই মধ্যম আয়ের দেশে যাবে বাংলাদেশ : শিল্পমন্ত্রী

উৎকর্ষ সাধনের জন্য পুরুষার পেল ১৮টি শিল্প প্রতিষ্ঠান

শিল্পমন্ত্রী আমির হোসেন আয়ু বলেছেন, শিল্প কারখানায় উৎপাদিত পণ্যের গুণগত মান বাড়াতে হবে। পাশাপাশি উৎকর্ষ সাধনের ওপর গুরুত্ব দিতে হবে। কারণ উৎপাদনশীলতা বাড়ানোর পাশাপাশি নির্ধারিত সময়ের আগে বাংলাদেশ মধ্যম আয়ের দেশে উন্নীত হতে পারে। গতকাল ২৬ অক্টোবর রাজধানীর একটি হোটেলে ‘ন্যশনাল প্রোডাকচিভিটি অ্যান্ড কোয়ালিটি এক্সিলেন্স অ্যাওয়ার্ড-২০১৫’ প্রদান উপলক্ষে আয়োজিত এক অনুষ্ঠানে প্রধান অতিথির বক্তব্যে তিনি এসব কথা বলেন। সূত্র-ইত্তেফাক (পৃ.১৮,ক.৬), ভোরের কাগজ (পৃ.৯,ক.২), অবজারভার (পৃ.১৭,ক.১)।

৮। জেএসসি-জেডিসি পরীক্ষা কেন্দ্রে ৩০ মিনিট আগে উপস্থিত থাকতে হবে

জুনিয়র স্কুল সার্টিফিকেট (জেএসসি) ও জুনিয়র দাখিল সার্টিফিকেট (জেডিসি) পরীক্ষা শুরুর ৩০ মিনিট আগে উপস্থিত থাকতে হবে। এ সময়ের পরে আর পরীক্ষার হলে ঢুকতে দেওয়া হবে না। গতকাল ২৬ অক্টোবর বুধবার শিক্ষা মন্ত্রণালয়ের এক সভায় এ সিদ্ধান্ত নেওয়া হয়। মন্ত্রণালয়ের সভাকক্ষে এ সভায় সভাপতিত্ব করেন শিক্ষামন্ত্রী নুরুল ইসলাম নাহিদ। নিরাপত্তাসংক্রান্ত বিষয়ে আইনশৃঙ্খলা বাহনীর বিভিন্ন মন্ত্রণালয়ের প্রতিনিধিরা এতে যোগ দেন। সূত্র-যুগান্তর (পৃ.৩,ক.৪), ইত্তেফাক (শেষ পৃ.,ক.৮), বাংলাদেশ টুডে (পৃ.১,ক.১), নিউজ টুডে (পৃ.১,ক.৮)।

৯। হত্যা-ধর্ষণসহ স্পর্শকাতর সব মামলার বিচার হবে দ্রুত বিচার ট্রাইবুনালে : আইনমন্ত্রী

আইনমন্ত্রী আনিসুল হক বলেছেন, হত্যা-ধর্ষণসহ স্পর্শকাতর সব মামলার বিচার দ্রুত বিচার ট্রাইবুনালে হবে। মন্ত্রী বলেন, দিনাজপুরের পার্বতীপুরে পাঁচ বছরের শিশুকে ধর্ষণ ও পৈশাচিক নির্যাতন এবং হত্যা ধর্ষণসহ এ ধরনের স্পর্শকাতর সব মামলার বিচার দ্রুত বিচার ট্রাইবুনালে হবে। এর মাধ্যমে অভিযুক্তদের কম সময়ের মধ্যে সর্বোচ্চ শাস্তি নিশ্চিত করা যাবে। তিনি বলেন, দ্রুত বিচার করা হবে, যেন ভবিষ্যতে এ ধরনের অপরাধ করতে কেউ সাহস না পায়। গতকাল ২৫ অক্টোবর বুধবার রাজধানীর বিচার প্রশাসন ও প্রশিক্ষণ ইনসিটিউট মিলনায়তনে যুগ্ম জেলা ও দায়রা জজ এবং সমপর্যায়ের বিচারকদের ১৩১তম রিফ্রেশার প্রশিক্ষণ কর্মশালার উদ্বোধন শেষে এসব কথা বলেন তিনি। সূত্র-সমকাল (পৃ.৩,ক.৫), যুগান্তর (পৃ.২,ক.৫), বাংলাদেশ টুডে (পৃ.৩,ক.১), ডেইলি সান, (পৃ.১,ক.৮)।

১০। চীনের সঙ্গে সম্পর্কে আশঙ্কার কিছু নেই : তথ্যমন্ত্রী

বাংলাদেশ-চীন সম্পর্কের উন্নতি হওয়ায় ভারত, ইউরোপ এবং জাপানের সঙ্গে সম্পর্ক অবনতি হওয়ার আশঙ্কা নেই-মন্তব্য করেছেন তথ্যমন্ত্রী হাসানুল হক ইনু। গতকাল ২৬ অক্টোবর বুধবার রাজধানীর সিরাডাপ মিলনায়তনে অনুষ্ঠিত এক আলোচনা সভায় প্রধান অতিথির বক্তব্যে তিনি এসব কথা বলেন। বাংলাদেশ-চায়না চেম্বার অব কর্মাস অ্যান্ড ইন্ডাস্ট্রিজ আয়োজিত ‘বাংলাদেশ-চায়না : পারস্পরিক ও বহুমুখী সম্পর্ক’ শীর্ষক এই আলোচনা সভার আয়োজন করে। তথ্যমন্ত্রী বলেন, চীনের সঙ্গে সম্পর্ক অন্যান্য দেশের সঙ্গে বন্ধুত্বপূর্ণ সম্পর্কে নেতৃত্বাচক প্রভাব ফেলবে না বরং ইতিবাচকই হবে। বাংলাদেশ এখন বিনিয়োগ-নির্ভর দেশ। দেশের ১৬ কোটি মানুষের শক্তিতে আমাদের অর্থনৈতিক উত্থান হবে। সূত্র-যায়ায়াদিন (পৃ.৩,ক.২), বাংলাদেশ টুডে (পৃ.২,ক.৬)।

১১। দেশের ১০ হাজার পোস্ট অফিস ই-কর্মাস হবে : ডাক ও টেলিযোগাযোগ প্রতিমন্ত্রী

দেশের ৯ হাজার ৮৮৬টি পোস্ট অফিসকে ই-কর্মার্সের কেন্দ্রবিন্দুতে পরিণত করা হবে বলে জানিয়েছেন ডাক ও টেলিযোগাযোগ প্রতিমন্ত্রী তারানা হালিম। এ লক্ষ্যে পোস্ট অফিসগুলোতে শৈল্পিক ই-কর্মার্সের সঙ্গে যুক্ত করা হবে বলে জানিয়েছেন তিনি। গতকাল ২৬ অক্টোবর বুধবার রাজধানীর রেডিসন ব্লু ওয়াটার গার্ডেনে ই-কর্মাস পলিসি কনফারেন্সের তৃতীয় সেশনে ‘বিজনেস লিডারশিপ ডায়ালগ অন ই-কর্মাস’ শীর্ষক সেমিনারে প্রধান অতিথির বক্তব্যে তিনি এ কথা বলেন। সূত্র-ভোরের কাগজ (পৃ.৯,ক.৫)।

১২। দক্ষিণ এশিয়ায় নারী-পুরুষ সমতায় এগিয়ে বাংলাদেশ : ওয়ার্ল্ড ইকোনমিক ফোরামের প্রতিবেদন

নারী-পুরুষ সমতা সূচকে দক্ষিণ এশিয়ায় সবচেয়ে এগিয়ে বাংলাদেশ। বৈশ্বিক লিঙ্গ বিভাজন সূচক প্রতিবেদন ২০১৬ এ বাংলাদেশের অবস্থান ৭২ হলেও দক্ষিণ এশিয়ায় সবার ওপরে রয়েছে। গত ২৫ অক্টোবর মঙ্গলবার ‘ওয়ার্ল্ড ইকোনমিক ফোরাম’ এ প্রতিবেদন প্রকাশ করে। বিশ্বের ১৪৪টি দেশের মধ্যে নারী-পুরুষ সমতার এ প্রতিবেদন করা হয়। ২০০৬ সাল থেকে ওয়ার্ল্ড ইকোনমিক ফোরাম এই সূচক প্রকাশ করে। লিঙ্গ বৈষম্য নিরূপণ এবং এ থেকে অগ্রগতির চিত্র তুলে ধরতেই সূচক প্রকাশ করা হয়। অর্থনৈতিক কর্মকাণ্ডে সুযোগ ও অংশগ্রহণ, শিক্ষা, স্বাস্থ্য, রাজনৈতিক ক্ষমতায়নসহ মোট ১৪ ধরনের উপাত্তের নিরিখে প্রতিবেদন তৈরি করা হয়। সুত্র-সংবাদ (পৃ.১,ক.১), সমকাল (শেষ পৃ.,ক.২), ডেইলি স্টার (পৃ.১,ক.৮), ডেইলি সান (পৃ.১,ক.২)।

বাংলাদেশ টুডে, এশিয়ান এজ এ বিষয়ে লিঙ্গ নিউজ ছিপেছে।

সম্পাদকীয়

- ক. ইতেফাক : দেশে প্রাথমিক শিক্ষকদের ১৬ শতাংশ বিদ্যালয়ে অনুপস্থিত থাকার পরিপ্রেক্ষিতে অনুপস্থিত থাকা শিক্ষকদের বিরুদ্ধে কঠোর ব্যবস্থা নেওয়ার সুপারিশ।
- খ. জনকর্ত্ত : শুধু চিকিৎসা ব্যয় মেটাতে গিয়ে ১৭ শতাংশ দরিদ্র পরিবার দারিদ্র্যসীমার নিচে নেমে যাওয়ার বিষয়টি উন্নয়নের প্রতিবন্ধক বলে অভিমত প্রকাশ করে সবার জন্য স্বাস্থ্যবীমা চালু হওয়ার প্রত্যাশা।
- গ. সংবাদ : পাবলিক বিশ্ববিদ্যালয়ের ভর্তি পরীক্ষার প্রশ্ন ফাঁস মেধাবীদের জন্য ভয়াবহ বিড়বনা হওয়ায় প্রশ্ন ফাঁস রোধে সর্বাংকাক প্রচেষ্টা চালানোসহ সংশ্লিষ্ট মহলকে আরও দায়িত্বশীল ও সর্তক হওয়ার আহ্বান।
- ঘ. প্রথম আলো : অধিকাংশ উন্নয়ন কর্মকাণ্ডেই দেশের পূর্বাঞ্চলকেন্দ্রিক হওয়ায় অনুন্নয়নের খেসারত দিচ্ছে পশ্চিমাঞ্চলের বিভাগগুলো উল্লেখ করে উন্নয়নে ভৌগলিক বৈষম্য যেন না হয় কর্তৃপক্ষকে সেদিকে নজর দেওয়ার সুপারিশ।
- ঙ. যুগান্তর : বেসরকারি স্কুল, কলেজ ও মাদ্রাসায় অনেকে শিক্ষক জাল নিবন্ধন সনদে নিয়োগ পাওয়ার বিষয় তুলে ধরে শিক্ষক নিয়োগের ১০ ধাপের কোন কোন স্তরে অনিয়ম ও দুর্নীতি হচ্ছে তা চিহ্নিত করে কার্যকর ব্যবস্থা নেওয়ার সুপারিশ।
- চ. সমকাল : দুদকের ২০১৫ সালের বার্ষিক প্রতিবেদন যাচাই-বাচাই করে সরকার যুক্তিসংজ্ঞত সুপারিশগুলো বাস্তবায়িত করবে বলে প্রত্যাশা ব্যক্ত।
- ছ. ইন্ডিপেন্ডেন্ট, ফিলানশিয়াল এক্সপ্রেস, নিউ এজ : নারী ও শিশুদের প্রতি নৃশংসতা দিন দিন বেড়ে চলায় ঘটনার সঙ্গে জড়িতদের শাস্তির মুখোমুখি করা ও আইন-শৃঙ্খলা বাহিনীকে অধিক তৎপর ও নির্মোহভাবে কাজ করাসহ জনসচেতনতা গড়ে তোলার সুপারিশ।
- জ. ডেইলি সান, যায়বায়দিন : জিডিপি প্রবৃদ্ধির হার ৭.১১ হওয়ায় বাংলাদেশ মধ্যম আয়ের দেশের পথেই এগিয়ে চলেছে বলে আশার সংগ্রাম হওয়ায় এ ধারা অব্যাহত রাখার প্রত্যাশা।
- ঝ. ডেইলি স্টার : প্রবাসী নারী গৃহকর্মীদের যথাযথ নিরাপত্তার ব্যবস্থা না করে বিদেশে না পাঠানোসহ জড়িত রিক্রিটিং এজেন্সির বিরুদ্ধে দ্রুত আইনি ব্যবস্থা নেওয়ার আহ্বান।
- ঝঃ. নিউজ টুডে : অর্থনৈতিক গুরুত্ব বিবেচনায় নিয়ে সামুদ্রিক মৎস্য ও সামুদ্রিক সম্পদ নিয়ে ব্যাপক গবেষণা করার ওপর গুরুত্বারোপ করে সম্পাদকীয় প্রকাশ করেছে।

উপ-সম্পাদকীয়

সংবাদ পত্রিকায় প্রকাশিত কলামে কর আদায় নয় কর প্রদানের আহরণে কর যোগ্য নাগরিক ও কর আহরণকারীর মধ্যকার দূরত্ব যত কমে আসবে, যত অধিকমাত্রায় নাগরিক কর নেটের আওতায় আসবেন, তত কর রাজস্ব আহরণে সুষম, সহনশীল ও দায়িত্ববোধের বিকাশ ঘটবে বলে আলোকপাত করা হয়েছে।

নিবন্ধ ও ফিচার

ইতেফাক পত্রিকায় প্রকাশিত ‘দক্ষিণ এশিয়ায় আঞ্চলিক সহযোগিতার ভবিষ্যৎ’ শিরোনামের নিবন্ধে ড. সেলিম রায়হান বাংলাদেশ, ভুটান, ভারত ও নেপালের (বিবিআইএন) বাণিজ্য বৃদ্ধির জন্য বিনিয়য় ব্যয় কর্মান্বোর কোনো বিকল্প নেই বলে অভিমত প্রকাশ করেছেন।

#

ফারহানা/শুকলা/মরজিনা/রশীদ/আফরোজা/২০১৬/৯.০০ ঘন্টা